



# DEO OPTIMO MAX. UNI ET TRINO,

VIRGINI DEI-PARÆ, ET S. LUCE,  
Orthodoxorum Medicorum Patrono.

## QUÆSTIO MEDICA,

QUOD LIBETARIIS DISPUTATIONIBUS,  
*manè disputanda, in Scholis Medicorum, die Jovis decimâ octavâ mensis  
Decembris, anno Domini M. DCC. LXVI.*

M. EDMUNDO-CLAUDIO BOURRU,  
Doctore Medico, Præsidente.

*An in omnibus Corporis humani viventis partibus calor æquabilis.*

I.

**I**GNIS maximum naturæ instrumentum, sine cujus actione, nihil in auras prodire, nihil crescere, nihil multiplicari potest, omnia pervadit corpora illaque penetrat intimius, sive ea intra' abstrusiora telluris viscera recondantur, sive æthereas occupent auras; & per illas sublimia diffundantur. Quâ ratione, nunc directis radiis lucem procreet igni, variisque naturæ corporibus colorum decores afflet? quâ fiat ut nunc vorticibus flammeis rapiatur in incendia? nostrum non est expendere. An etiam electricis effluviis aliquid conferat? An inter elementa corporum activitate pereditâ recenferi possit querere disseremus. Nobis hic blandior ejus effectus, vitalis quem sensu judice calorem vocamus, expendendus objicitur. Scilicet ignis ille qui per universa terræque globi corpora ad æqualem à sole distantiam posita, æqualiter diffunditur, ita ut

A

alia plùs aliis non incallescant Thermometro judice, & fallax sensuum testimonium refellente, aliquando tamen major erumpens, sensus animales, nunc leni atque opacà, nunc forti atque dolorificà sensatione afficit. Corporum horumce igne turgentium attactu, incallescimus, imò adurimur, si plùs æquo, per illorum poros ignis turbineo motu raptus, in tangentis organa irrumpat. Si absit ignis, frigus enascitur, quod, quòt ab igne recedit gradibus, tot etiam gradibus in sensus nostros sentire dicitur; saxissimum si torpore sensum adimat. Quæ omnia satis cognita, silentio præterire licebit; notasse sufficiat ad propositum, corpora quo densiora sunt, eò tardiùs incallescere, tardiùs refrigerari; corpora contrà, quòt rariora, eò etiam & celerius incallescere, & frigescere celerius. Ignem in spacia vicina æqualiter sese undequaque diffundere, ratione habità densitatis atque raritatis vicinorum corporum; unde omnia illa brevi ad æquilibrium inter se, & cum atmosphærà, redire necessum est; nisi renovata semper causa novos æstus suffecerit. Quibus cognitis ad caloris humani causas, Boerhaavio duce facilius pervenimus.

## II.

**CALOREM** vel à sole mutuamur, vitris coadunamus, reflexu intendimus refractione augemus; vel etiàm illum sine ullo solis concursu, per attritum producere, Promethei more fas est. Hæc sunt duo solà caloris & ignis elementa. Quid enim sibi vult fermentatio, nisi violentum parvum in unionem ruentium attritum. Hinc calor, hinc lux, hinc incendium. Attritus duo supponit corpora, allisa scilicet, & allidentia; porrò hæc undequaque in corpore humano reperiri evidens est. Alliduntur inter se perpetuo, rapidoque motu, imò & ab eo figurantur solidissima maximèque elastica, testibus Lewenoeckio, Boerhaavio, Hallero, Sennaco, Sanguinis elementa. Sed illa calorem recipiant, aut accendant, perinde est. Major est, constantior, interruptus nunquam, allisus globulorum sanguineorum, in minima, innumera, diametro globuli sanguinei æqualia vascula; quæ cum rapido motu tranare cogantur, allisus ingens, renixus maximus, figuræ in elasticà sanguineâ particulâ mutatio, elementa caloris perpetuo motu indefinenter renovandi nec nisi cum vita perituri, constituunt. Cum enim semper patula vasa semper cruorem accipiant, figurent, fiant, atterant; nascitur inde calor perpetuus, æquabilis, semper reparabilis. Quæquidem caloris causa ad demonstrationem evehitur usque; si tres illæ propositiones nobis concedantur, quas physicis, & naturæ observatoribus detrectare nefas. Quò plùs globulorum sanguineorum, in cruore inest, eò etiam calor major est. Quò violentior motus est, eò etiam plùs caloris generatur; quò motu violentiori spacia magis angusta sunt, adeoque dato tempore plùs sanguinis vasculis offertur; eò etiam calor magis intenditur. Hæc tres propositiones experientia demonstrat; primam calor cognitus virorum sanguineâ temperie gaudentium; alteram exercitia quælibet; tertiam thermometrum, minoribus animalibus, & infantibus appositum. Foras etiam hinc motu aucto, illinc strictioribus præ erethismo in febricitante homine vasis, duplici de causâ calor, & ejus sensatio, in homine vivente aliquando immensum in morem accenditur; ità ut quasi propriis flammis comburi vili sint agrotantes.

## III.

**ADMISSIS** semel caloris humani causis hisce, sponte defluit, & quasi per se nostra probatur propositio. Ubique enim, causâ caloris adest, ubique renovatur semper. Modò reperiantur vasa illa capillaria, uni globulo transmittendo idonea; jam nullus peculiaris exurgit caloris fomes, sed per universum corporis ambitum, æqualiter diffunditur. Calore semel nato imò & innato dives sanguis per æqualia distributus spacia, calorem simul & infundit, & accipit. Nec est hic quod in corpore locus plùs capillaribus turgat, minus alter; sufficit æqualitas diametri in vase; qui in ultimis sanguineis vasculis, semper idem. Nec igitur hic ingeniosa clarissimi Martine computa prosequemur, nec Keillianam imitabimur

sedulitatem, quam fatentibus præstantissimis Geometris tenuissima vasorum simul & elastica structura, pressio æqualis, velocitas tantum explorata, necdum supplicata satis, elidunt. Sufficiet ad propositionem nostram evincendam, ut Boerhaavianâ theoria freti affricum probemus æqualem in minimis vasculis; quod negari nequit, si parem in arteriis ejusdem diametri velocitatem demonstrare potuerimus. Hanc porro propositionem negare non poterit qui semel attenderit, quantum ad paritatem liquidi efformandam, instrumenti paritas requiratur, simulque similem effluxum in pari à corde distantia semper esse, satis sibi demonstrat. Quod experimentis Halai in modum instituitis, pronum est vincere, in vivis animalibus; aut injectione anatomicâ in humanis cadaveribus. Nam in hisce experimentis demonstratur æquales esse liquoris cum pari vi intrusi effluxus, modo par sit à corde distantia vasis, per quod effluit.

## IV.

QUOD ratio adstruit, experientia demonstrat. Calor humanus inter nonagesimum & centesimum gradum thermometri Fahrenheitiani extenditur; ita ut plerorumque hominum calor absolutus, nonagesimum gradum æquet; sive brumâ fervente, sive furente Sirio, hominem experimentis subjeceris; notantibus, & enodantibus celeberrimis viris Martino, Halæ, & aliis multis, quos hic enumerare longius. Per febrem, exercitia, ad plures gradus protenditur calor: sed si hominem aequali in atmosphærâ nec vento frigido inæqualiter expositum, thermometro lustris; ubique instrumento calor idem deprehendetur, sive externa spectes, sive interna, quæ vix uno gradu externa superant. Nec pes, ore, aut inguinibus minus calet. Urina exiens è Vesicâ, sanguis sive ex venâ, sive ex arteriâ saliens, immotum sunt thermometrum, ad gradum caloris humani semel positum. Nec si plus æquo ad sensum generâ incalescant, plus tamen sanitate persistente caloris ingenerant, præter vix inexperto credere fas fuerit. Violento motu brachium unum aut alterum gerere; calor augebitur, & crescet, sed non plus in parte exercitâ, quam in reliqua quacumque; nisi tamen ex obstructione, & infarctu, indomabilis adsit resistentia; quæ phlogosim & motum excitat in parte peculiarem, nec jam toto corpori communem. Aperto animalis vivantis abdomine, duplex thermometrum, hinc externæ cuti, illinc aperto abdomini aptare si velis; primo quidem statim ad gradum propositum ascendet thermometrum, interioribus visceribus aptatum, illud quod exteriorem cutim tangit, tardius punctum attinget, mox ad æquilibrium perveniet utrumque, servatâ proportionem superius dictâ. Vices caloris, ut & circulationis vices, universis partibus sunt communes, cor motum dirigit; calorem pariter accendit & per æqualia spacia jure vicinâ, jure paritatis in structurâ distribuit. Sed cum capillarium attritui debeat calor, quid refert Aortæ vicinâ, quid motus ille ingens? nihil omnino. Æqualiter decrescunt à trunco communi, capillaria ejusdem ordinis vasa, proportio eadem inter truncos & ramulos ubique inest, in corpore; saltem quoties de sanguinis vasculis agitur; aded ubique verum est, axioma illud, sanioribus Physicis demonstratum, *natura nihil agit per saltum* quo fit ut paria instrumenta, paribus locis, paribusque usibus destinantur. Unde æqualitas instrumenti, æqualitas effectuum, ubique in machinâ reperiuntur.

## V.

NEC certè, negamus multa in hominibus usu quotidiano cognita propositioni nostræ repugnantia videri; manus sæpè frigescentes, pedes gelidos, ore interno, æque calentes vix nisi experti crederemus. Sed atmosphærâ partes illas substrahi possumus, calorque integras permitti. Hæc solâ postulatione objectio illa diluitur. Difficilius certe intelligemus aliquando, quâ fiat ut unâ parte astuante, altera sensum frigoris importunum sentiente, ad thermometerum æquæ caleant

ambæ. Rem tamen ita sæpe se habere incorruptum demonstrat thermometer. Sensu scilicet sæpe nervis regitur, nec ægro morboſe decumbenti ſemper externis reſponſat ab altioribus & abluſioribus cauſis nata ſenſatio. Sæpe ardorem demonſtrat thermometer, mens frigus aſe repelli poſtulat. Nec tamen negabimus sæpe in morbis, morte jam proximâ imminente, extrema ante alias partes corporis frigefcere, & quaſi mortem præcipere: nihil eſt etenim mirum ſi motu ceſſante vitali, vitalis etiam calor elarueſcat. Etenim ſemper adæquatâ proportionē conjunguntur inter ſe, vita, atque calor. Quo dilabente vita ſimul auſugit, & dilabitur. At perſtante æquabili motu, qualem arteriarum pulſus, in æquali à corde diſtantiâ, ſibi & aliis arteriis ſemper proportionalem demonſtrat, pariter perſtat calor, nec niſi cum viribus diſſuet, cum illis augendus ſemper, illis æquatâ proportionē reſponſans, & per univerſum corpus æquè diſſuſus, niſi jam mortis atria tangat ægerrimus homo; quod ratione & experientia freti aſſeruiſſe nos conſidimus:

*Ergo in omnibus corporis humani viventis partibus calor æqualis.*

## DOMINI DOCTORES DISPUTATURI.

*M. Joannes Ludovicus-Maria SOLIER,*

*M. Henricus - Jacobus MACQUART, Cenſor Regius.*

*M. Joannes - Jacobus MESSENGE, Anatomes & Artis obſtricticia in gratiam Matronarum Profeſſor.*

*M. Henricus - Michael MISSA, Militarium Noſocomiorum ad Regis Exercitum Medicus, & vci herbarie Profeſſor.*

*M. Theophilus de BORDEU, Eques, Noſocomii Regii Militaris Bareſienſis Medicus deſignatus.*

*M. Sylvius - Franciſcus JENTROULDE de LUN, Eques.*

*M. Joannes - Nicolaus MILLIN de la COURVEAULT.*

*M. Petrus - Abrahamus PAJON de MONCETS, Eques, Societatis Literariæ Catalaunienſis Socius,*

*M. Anna-Carolus LORRY,*

Proponebat Pariſiſ; DOMINICUS JOANNES - BAPTISTA DELABICHE; Pariſinus, Saluberrimæ Facultatis Medicinæ Pariſienſis Baccalaureus, Theſeos Auctor.

A. R. S. H. 1766. A SEXTA AD MERIDIEM

Typis QUILLAU, Univerſ. Facult. Med. Pariſienſis, Typographi.